

ጾውሎሴ ማደግም ዳኪንቴ ጳውሎሴ ዔፕሶኔ ዓሶም ዳኬ ኪኢቶ" ዓይያ ካሮ"

ጳውሎሴ ዔፕሶኔ ዓሶም ፃኣፔ ኪኢታ" ባሼና ዔርዛሢ:- «ጾኦሲ ማሊያ ጩሪንጮና ሳዖናይዳ ዓኣ ባኮ ቢያ ፔቴ" ማሂ፡ ፔቴ" ኪሪሰቶሴ ቢታንቶ ደማ" ማሂሢኬ» ጋዓ ማሊያኮ (1፡10):: ሃሣ ጊንሣ ዩሱሰ ኪሪሰቶሴና ማዒ ዓሲኮ ዜርሢ ፔቴ" ማዓንዳጉዲ ሓያ ዴኤፖ ማሊያ ማደይዳ ዔያታ ፔኤሻንዳጉዲ ያኦሲኮ ደሮ"ም ዔርዛያኬ::

ዔፕሶኔ ኪኢቶ"ኮ ዓይያይዳ፡ ፃኣፓ ዓሢ ዓሲኮ ፔቴሞ ዘላ ዓርቄ ማሊያ ዳልጊሺሢና ያኦሲ፡ ዓዳሢ ፔኤኮ ደሮ" ዎዲ" ደኦሪቴያ፤ ሃሣ ፔኤኮ ናዖ፡ ዩሱሰ ኪሪሰቶሴ ዘሎ"ና ዔያቶኮ ጎማ ዓቶም ጌይንቴም ዎይቲ ዔያታ ጌኤሽኬቴያ ያኦሲኮዎ ዴኤፖ ሃጊ ማዓንዳ ዎዛ" ዓያኖ ጌኤኸ ዘሎ"ና ዎይቲ ጎናዲ ዔርቴቴያ ኬኤዛኔ። ላምዓሲ ኬኤዛ ማሊያይዳ ፃኣፓ ዓሢ ሃኖ" ኪኢቴሎ ናባባ ዓሶኮ ፔቴሞ ናንጋ ዔያቶኮ ኪሪሰቶሴና ዓኣ ፔቴማ ጎኔ ማዓንዳጉዲ ዎይቲ ዔያታ ናንጋንዳያ ኮይሳቴያ ኬኤዛኔ።

ዓሳ ኪሪሰቶሴና ዓኣ ፔቴሞና ዎይቲ ፔቴ"ይዳ ናንጋጊ ዳንዳዓቴያ ዲማ ዲማ ኮኣኪንሢ ማዓ ሃይሴና ኬኤዛንቴኔ፤ ዩይያ:- ሺኢጲያ ማኣሮ ዓሳ ፔቴ" ዑሢጉዲ ማዓዛ ኪሪሰቶሴ ቶኣካ"ሢኬ፤ ሃሣ ሺኢጲያ ማኣሮ ዓሳ ማኣሮ ማዓዛ፤ ኪሪሰቶሴ ማኣሮኮ ሄላሢኬ፤ ሺኢጲያ ማኣሮ ዓሳ ማቾጉዲ ማዓዛ፤ ኪሪሰቶሴ ዓገጉዲ ማዔኔ፤ ፃኣፓ ዓሢ:- ኪሪሰቶሴ ዘሎ"ና ፔጋዴ ያኦሲኮ ኮሹሞ ዒንጊያ ሚርጌና ሄርሺ ሄርሺ ኬኤዛ ዎዶ"ና ኮሺ" ዓኣሺንቴ ማሊሢ ኬኤዛኔ፤ ቢያ ባኣዚ" ዒ ዛጋሢ ኪሪሰቶሴኮ ናሹሞና ያኦሲም ዒንጎ ባኣዚ" ማዒ ዒንጊንቶና ጎሞ ዓሶኮ ዓቶም ጌይያና ዒዛኮ ኮሹሞ ዒንጊያና ጌኤሹሞና ካንሢኬ።

ማፃኣፔላ ዲማ ዲማ ዓርቄ ባኮ

- ዓይያ ካሮ" 1፡1-2
- ኪሪሰቶሴና ሺኢጲያ ማኣሮ ዓሶና 1፡3—3፡21
- ኪሪሰቶሴና ጴዳ ዓኪ ናንጊ 4፡1—6፡20
- ጋፒንሢ ሓይሴ 6፡21-24

1 የኦሲ ማሊሢና ዩሱስ ኪሪስቶስ ማድ"ሞ ዳኪንቴያ ማዕ። ጳውሎሴፓ ዩሱስ ኪሪስቶስ ዛሎ"ና ጉሙርቁንታያ ማዕ። ዔፕሶኔይዳ ዓኣ የኦሲም ዲማዴዘንሢም፤

2 ኑ ዓዳሢ ኑኡኮ የኦሲሢና ኑ ጎዳ ዩሱስ ኪሪስቶሴኮ ኮሹሞ ዒንጊያና ዎዞ"ና ዒንሢም ማያም።

ኪሪስቶስ ዛሎ"ና ጴዳ ዓያና ዓንጃ

3 ጫሪንጮይዳ ዓያኖ ዓንጃ ዒንጊሢና ኪሪስቶስ ዛሎ"ና ኑና ዓንጃ። ኑ ጎዳ ዩሱስ ኪሪስቶሴኮ ዓደ ማዕ። የኦሲሢ ጋላቲንቶንጎ።

4 የኦሲም ኑ ዲማዴያ ሃሃ ሰሂሳ ባኣዚ" ባኣያ ማዒ ዒዛ ቤርታ ኑ ጴዳንዳጉዲ። ዓጫ" ማዢንቱሞንቱ ኪሪስቶስ ዛሎ"ና ኑና ዒ ደኦሬ።

5 የኦሲኮ ናሹሞና ዒዛኮ ኮሺ ማሊሢ ማዕም ዩሱስ ኪሪስቶስ ዛሎ"ና ዒዛኮ ኑ ናይ ማዓንዳጉዲ ቤርታዲ ዒ ማሌ። 6 ዬያ ዒ ማዴሢ ፔኤኮ ዒ ናሸካ ናዓሢ ዛሎ"ና ጉሪ ኑም ዒንጊንቱ። ሰንቹንቱ ዒንጊያ ጋላቲንታንዳጉዲኬ። 7 የኦሲሢ ኮሹሞ ዒንጊያ ሚርጉማፓ ዔቁያና ዒዛኮ ናዓሢ ሱጉያና ኑ ጎማፓ ጌኤሸኪ። ጎማፓ ማኦሪንቱሢያ ኑ ደንቁ። 8 የኦሲ ፔኤኮ ኮሹሞ ዒንጊያ ፔ ዔራቶና ፔ ማሊያ ዳልጉሞና ሚርጊሺ ኑም ዒንጊ። 9 ኣሢ ዒዚ ፔ ኮሹሞና ኪሪስቶስ ዛሎ"ና ቤርታዲ ዒ ማሌ ጎይያና ዒዛኮ ኮዢ ማሊያኮ ዓኣሺንቱ ባኮ ኑና ዔርዜ። 10 የኦሲ ማሊያ ማዴይዳ ፔኤቃንዳሢ' ጫሪንጮና ሳያናይዳ ዓኣ ባካ ቢያ ፔቱሞና ኪሪስቶስ ቢታንቶ ዴማ" ማዓኣናኬ።

11 ቢያ ባኮ ፔ ማሊያና ማዴ። የኦሲሢ ማሊያ ጎይያ ዒዛ ማሊያ ጋራ ኑ ማዕሢር ሃሢ ኪሪስቶስ ዛሎ"ና ኑ ደኦሪንቱ። 12 ዬይ ያዲ ማዕሢ' ቤርታዲ ኪሪስቶሴይዳ ሃጊ ማዓንዳ ዎዞ ኑ ጌሢ ጎይያና ኑ ዛሎ"ና የኦሲም ሰንቹና ጋላታና ማዓንዳጉዲኬ።

13 ዒንሢያ ዒንሢኮ ዳቁንቶ ኮዢ ሃይሶ ማዕ። ጎኑሞ ቃኣሎ" ዎይዜ ዎዶ"ና ኪሪስቶስ ዒንሢ ጉሙርቁ፤ ዒዚያ ዒንሢም ዒንጋጊ ሃጊ ማዓንዳ ዎዞ ማሢ ጌሢ። ዓያኖ ዒንሢም ዒንጊያና ዒንሢኮ ዒዛሮ ማዒያ ዔርቱ። 14 የኦሲ ሰንቹንቱ ጋላቲንታንዳጉዲ ዒዚ ፔኤም ማዕዘንሢ ጎማ ዓይሉሞይዳፓ ኬሲ" ዔካንደያ ሄላ"ንዳኣና ዓያኖ ጌኤዢ ኑም ጊኢጊሸና ባኮ ዔከሳጊ ዓይሢ ማሢ ዒንጎናያኬ።

ጳውሎሴ ዔፕሶኔ ዓሰም ሺኢቄ ሺኢጲያ

15 ዬያሮ ጎዳ ዬሱስ ኪሪስቶስና ዓኣ ዲንሢኮ ጉሙርቁያና ጾኦም ዲማዴዞንሢ ቢያ ዲንሢ ናሽካ ናሹሞና ታዋይዚ። 16 ታኣኒ ሸኢቃ ዎድ"ና ቢያ ዲንሢሞ ማሊ ማሊ ዲንሢ ዛሎ"ሮ ጾኦ ጋላቲያ ሃሺ"ባኣሴ። 17 ቦንቾ ኮይሳ፥ ኑ ጎዳሢ ዬሱስ ኪሪስቶሴኮ ዓዶ ማዕፍ፥ ጾኣዛሢ ኮሺ" ዲንሢ ዔራንዳጉዲ ዔራቶና ዓኣሺንቴ ባኣዚ" ዔርዛያ ማዕፍ፥ ዓያና ዲንሢሞ ዲንጊንታንዳጉዲ ታ ሸኢቃ። 18 ዎዚጉዴ ሃጊ ማዓንዳ ዎዛም ዲንሢ ዔኤሊ"ንቴቴያ፥ ሃሃ ጌኤዦ ዓሳ ዔካንዳ ቦንቾንቴ ባካ ዎዚጉዲ ዲቤቴያ ዲንሢ ዔራኒ ዒና" ዲንሢኮ ቡሊ"ንታንዳጉዲ ጌዒ ታ ሸኢቃ። 19 ዬያጉዲ ሃሃ ኑና ኪሪስቶሴ ጉሙርቁዞንሢ ጊኣጊንቴ ዎልቃ ዎዚጉዲ ደዲ ማዓቴያ ዲንሢ ዔራንዳጉዲ ታ ሸኢቃ፤ ዬያ ኑጊደ" ማዳ ፑኡፖ ዎልቆ፥ 20 ጾኦ፤ ዓዳሢ፥ ኪሪስቶሴ ሓይባ"ፓ ዔቁሶና ጫሪንጮይዳ ፔኤኮ ሚዛቆ ዛላ" ዴይሢያና ኪሪስቶሴ ዛሎ"ና ዳዌ። 21 ዒዚ ኪሪስቶሴ ጫሪንጮ፥ ፔኤኮ ሚዛቆ ዛላ" ዴይሢሢ ዓይጎ ካኣታቶና ቢታንቶናኮ ዎልቁሞና ጎዳቱሞናኮዎ ዑፃሲኬ፤ ዬያጉዲ ሃያ ዓጫ" ለሊቱዎንቴ ሃጊ ሙካንዳ ዎድ"ይዳኣ ሱ"ንሢፓ ቢያ ዑሣ ዓኣዳ ቦንቾንታ ሱ"ንሢ ዒዛም ጌሢኬ። 22 ቢያ ባኣዚ" ዒዛ ቢታንቶኮ ዴማ" ማዓንዳጉዲ ማሃ፤ ሸኢቃያ ማኣሮ ዓሶና ቢያ ባኣዚ"ኮዎ ዑፃ ማሃ፥ ዶኦሪ ጌሢ። 23 ሸኢቃያ ማኣሮ ዓሳ ዒዛ ዑፃ ኩሙሢ ማሃያ ማዓዛ፥ ቢያ ባካ ዒዛና ኩሙሢ ማዓ።

2

ኪሪስቶሴና ሓይቢፓ ናንጊ ባንሢ ፒንቁሢ

1 ዲንሢ ዲንሢኮ ዳቢንቶና ጎሞ ዛሎ"ና ቤርታ ዓያኖ ናንጎ ዛሎ"ና ሓይቆያኬ፤ 2 ዬያ ዎድ"ና ሃያ ዓጮ"ኮ ፑርቶ ማዶ" ማዲ ማዲ ዳቢንቲና ጎሜናይዳ ዲንሢ ናንጋያኬ፤ ዬያጉዲ ሃሃ ሳዖኮ ዑፃ፥ ዠባራ ዓኣ ፑርቶ ዓያኖ ዓይሣሢ፤ ሃሢያ ጾኦም ዓይሢንቴዎ ዓሶ ቆላሢሲ ዲንሢ ኩንሢ። 3 ኑኡኒያ ቢያሢ ዬያ ዓሶ ባኣካ" ኑኡኮ ዓሶሞ ማሊያ፥ ዒናሲ ኩንሢ ኩንሢ ሃያኮ ቤርታ ኑሞ ኮይሳ ጎይሢ ኑ ናንጋ፤ ሃሃ ዓቴ" ዬያ ዓሶጉዲ ኑ ሸይንታፓ ዓርቃያ ጾኦ ሲጋሳ ዓሲኬ።

4 ጋዓንቴ ማኣሪያና ዖርጎቺ ማዕ ጾኣዛሢ ኑና ዒ ናሽኬ፥ ዴኤፖ ናሹማፓ ዔቁያና፥ 5 ዎዚ ኑ ዳቢንቶና ሓይቆያ ማዕቴያ ኪሪስቶሴና ናንጊ ኑሞ ጾኦ ኪሪስቶሴ ናንጊሢ፤ ዲንሢያ ዳቁሢ ዒዛኮ ኮሹሞ

1:20 ዓይኑ. 110፥1። 1:22 ዓይኑ. 8፥6። 1:23 ቆላ. 1፥18።

ዲንጊያናኬ። 6 ያኑሲ ዩሱስ ኪሪስቶስና ዋላ" ኑና ሃይባ"ፓ ዔቁሲ፣ ዩሱሲና ዋላ" ጫሪንጫ ዒ ዓኣ ቤዛ ኑና ጌሣኔ። 7 ዩያ ዒ ማጄሣ' ሙካ ዋደ"ይዳ ዩሱስ ኪሪስቶስ ዛሎ"ና ፔ ኮሹሞና ኑም ፔጋሲ ዳዋ ኮሹሞ ዲንጊያ ሚርጉሞ ዔርዛኒ ኮዒኬ። 8 ዓይጎር ጌዔቴ ዲንሣ ዳቁሣ ጉሙርቁሣና ያኑሲኮ ኮሹሞ ዲንጊያ ዛሎ"ናኬ፤ ዩይ ያኑሲ ዲንጊሣ ማዓንዳኣፓዓቴም ዲንሣ ማጄና ጴጄያቴዋሴ። 9 ሓይ ዳቁንታ ጴጄሣ ማጄናቴዋኣሣረ ዓይጎ ዓሲያ ሄርሺንታኒ ኮይሱዋሴ፤ 10 ዓይጎር ጌዔቴ ኑኡኒ ቤርታዲ ያኑሲ ጊኢጊሺ፣ ኮዦ ማጄ" ማጄንዳጉዲ ዩሱስ ኪሪስቶስ ዛሎ"ና ማዢንቴ ያኑሲ ማዢንቴኬ።

ኪሪስቶስና ጴጄ ፔቴሞ

11 ዩያር ዲንሣ ቤርታ ሾይንቶና ዓይሁዴ ማዒባኣ ዓሳ፡ ዓይሁደ ዓሳ ዔያቶኮ ዓቲንቶ ቤርቶ ዓሲ ቲቁያታንቴ ሄርሺንቴ ሄርሺንቴ፡- «ዲንሣ ዓቲንቶ ቤርቶ ቲቁንቲባኣዘንሣ ሓይ!» ዲንሣ ጋዓሣ ማሉዋቴ። 12 ዩና ዋደ"ና ዲንሣ ዒሰራዔኤሌ ዜርሣ ጌይንቴዋያ ሃሣ ቤርታ ዔያቶም ጫኣቆና ጫኣቁሞኮ ዙላ" ማዒ፡ ሃያ ዓጮ"ይዳ ሃጊ ማዓ ዋዛ ባኣያ ማዒ ጊንሣ ያኑሲዳፓኣ ደማዲ ኪሪስቶስያ ዔሬቶዋ ዲንሣ ናንጋኔ። 13 ሓሣ ጋዓንቴ ቤርታ ዲንሣ ሃኪ ዓኣ ዓሳ ዩሱስ ኪሪስቶስ ዛሎ"ና፤ ሓሣ ዒዛኮ ሱጉያና ያኑሲ ባንሣ ዲንሣ ዑኬኔ። 14 ቤርታ ኑና ፓቁ ዋላ" ካኣሞ ላኣጌ ባኮ ሺኢሺ፣ ዓይሁደና ዓይሁዴ ማዒባኣ ዓሶና ፔቴ" ማሂ ቡኩሴሣ ኪሪስቶስኬ። 15 ኮሹሞ ዲንጋኒ ላምዎ ዴሮ"ይዳፓ ዒዛና ፔቴ" ማዓ፣ ፔቴ" ዓኪ ዜርሣ ማሂ ማዢን ዋጎኮ ዓይሣያና ማጄ ጎይያና ፔ ሃይሶ"ና ባይዜኔ። 16 ኪሪስቶስ ፑርቶ ዓሶ ሱያ ሚያይዳ ሓይቁ፣ ዋላ" ካኣሙዋ ዓሶዋ ካንሣ ላምዎ ዜርያ ፔቴ" ማሂ ያኑሲና ዋላ" ቡኩሴኔ። 17 ዒዚ ሙኪ ዲንሣ ያኑሲፓ ሃኪ ዓኣ ዓሶና ዑኬ ዓኣ ዓይሁደ ዓሶናም ኮሹሞ ዛላ ኬኤዜኔ። 18 ዩያር ኑኡኒ ቢያሣ ዒዛ ዛሎ"ና ፔቴ" ዓያናና ማዒ ዓዳሣ ባንሣ ሙካኒ ዳንዳዓኔ።

19 ዓካሪ ዲንሣ፡ ያኑሲም ደማጄዘንሣና ዋላ" ፔቴ" ዓጪ ዓሲ፤ ሃሣ ያኑሲ ማኣሪ ዓሲ ማዓንዳኣፓዓቴም ሃካፓ ሴካ ዲንሣ ሾኑቹና ቤቲ ሙኬ ዓሲናቴዋሴ። 20 ያኑሲ ማጄ"ም ዳኪንቴዘንሣና ያኑሲ ማሊያ ኬኤዛ ዓሳ ዓርቁ ቦኣኮላሣዲ ዲንሣ ማዢንቴኔ፤ ማኣርኮዋ ሄሎ ማዓ ሹጫሣ ዩሱስ ኪሪስቶስኬ። 21 ማኣር ማዦ ባካ ቢያ ዒዛና ካኣሚ ካኣሚ ጎዳም ደማጄ ጌኤሺ ማኣሪ ማዓኒ ማዢንታኔ።

2:5 ቆላ. 2፡14። 2:16 ቆላ. 1፡20። 2:17 ዒሲ. 57፡19።

22 የኦሲ ፔ ዓያኖና ዋርቃ ማኣሪ ማዓንዳጉዲ ኪሪሰቶሴ ዒንሢያ ማዣኔ።

3

ጳውሎሴ ዒይሁዴ ማዒባኣ ዓለም ማጰ ባኮ

1 ዬያሮ፡ ዒንሢ፣ ዒይሁዴ ማዒባኣ ዓለም ዬሱሰ ኪሪሰቶሴ ዛሎ"ና ማዳሢሮ ቱኡቲ ዓኣ፣ ታኣኒ ጳውሎሴ' የኦሲ ሺኢቃ።
 2 ዒንሢያም ታ ማኣዳ"ንዳ ማጰ" ኮሹሞ ዒንገያና የኦሲ ታኣም ዒንገሢሢ ዒንሢሢ ዋይዜ። 3 ቤርታ ታ ዒንሢያም ዳካ"ና ፃኣፔሢጉዲ የኦሲ ዓኣሺንቴ ባኣዚ" ታና ፔጋሲ ዳዌ። 4 ሃሢ ታ ዒንሢያም ፃኣፔሢ ዒንሢሢ ናባቤቶ ኪሪሰቶሴ ዛሎ" ዓኣሺንቴ ባኮ ታ ዔሬያ ማዔሢ ዒንሢያም ጴዳንዳ። 5 ዬይ ዓኣሺንቴ ባካ የኦሲ ዓያኖ ዛሎ"ና የኦሲም ዱማጴ፣ ዒዛ ማጰ"ም ዳኪንቴዘንሢና ዒዛኮ ማሊያ ኬኤዛዘንሢም ሃሢ ጴጴ ጎይያ ሚና ዋዶ"ና ዓኣ ዓለም ጴዲባኣሴ። 6 ዬይያ፡- ኮዣ ሃይሶ ዛሎ"ና ዒይሁዴ ማዒባኣ ዓሳ ዒይሁዴ ዓሰና ዋላ" የኦሲ ዒንጋ ዓንጆ ዔካያ፣ ፔቴ" ዑሢኮ ዱማ ዱማ ቤዘጉዲ ማዒያ ሃሢ የኦሲ ዬሱሰ ኪሪሰቶሴ ዛሎ"ና ዒንገ ሃገ ማዓንዳ ዋዘ" ዋላ" ዔካያ ማዔሢ ዔያቶም ጴዲባኣሴ ገይሢኬ።

7 የኦሲ ፔ ዋልቆና ማጰ ጎይያ ታኣም ዒንገ ኮሹሞ ዒንገያና ሓያ ኮዣ ሃይሶ ማጰ" ታ ማጰያ ማዔ። 8 ዋዚ ታኣኒ የኦሲም ዱማጴ ዓሰይዳፓ ላኣፓ ማዔቴያ ዛጳባኣ ኪሪሰቶሴኮ ሾርጎቹም ዒይሁዴ ማዒባኣ ዓለም ታ ኬኤዛንዳጉዲ ሃይ ኮሹሞ ዒንገያ ማጰ" ታኣም ዒንገንቴ። 9 ዬያጉዲ ሃሢ ቢያ ባኮ ማዣ የኣዛሢ' ሓያኮ ቤርታኣ ዋዶ"ይዳ ዓኣቹ ገሢሢ ዓኣ ዒዛኮ ማሊያ ዓይጎ ማዔቴያ ቢያሢም ታ ዔርዛንዳጉዲ ሃይ ኮሹሞ ዒንገያ ማጰ" ታኣም ዒንገንቴ። 10 ዬይ ማዔሢ' ሓሣኣ ዋዶ" ሺኢጲያ ማኣሮ ዓሰ ዛሎ"ና ጫሪንጫ ዓኣ ሱኡጎና ቢታንታ ዓኣ ማዣንቶና የኦሲኮ ዔራቶም ዱማ ዱማ ጎይሢና ዔራንዳጉዲኬ። 11 ኑ ጎዳ፣ ዬሱሰ ኪሪሰቶሴ ዛሎ"ና የኦሲ ዬያ ማጰሢ ቤርታፓ ዓርቃያ ማጰኒ ማሌ ጎይያና። 12 ኪሪሰቶሴ ኑ ጉሙርቄ ጎይያና የኦሲ ቤርቶ ዒገቹም ባኣያ ዶዲ ኪሪሰቶሴና ኑ ሙካኒ ዳንዳ። 13 ዬያሮ ሓይ ታና ዒንሢሢ ዛሎ"ሮ ሄሌ" ሜታሢ' ዒንሢሢ ቦንቾ ማዔሢሮ ሃጎኣ ዋዛ ባኣያ ዒንሢሢ ማዑዋጉዲ ታ ዒንሢሢ ሺኢቃ።

3:6 ቆላ. 1፡26-27።

ጳውሎስኮ ዴፕሶኔ ዓሰም ሺኢጲያ

14 ዓካሪ ያኦሲ፡ ዓዳሢ ሴርታ ጉምዓቲ ታ ሺኢቃሢ ዬያ ዛሎ"ኬ። 15 ጫሪንጮና ሳዖናይዳ ዓኣ ፔቲ" ማኦር ዓሳ ሱንያ ዴንቃንዳሢ ያኦሲዳፓኬ። 16 ዲንሢኮ ጋሮ ዲኖ ደዲሻ ዎልቁ፡ ዓያኖ ዛሎ"ና ያኦሲ ፔኤኮ ቦንቾ ዴኤፑማፓ ዲንሢሞ ዲንጋንዳጉዲ ታ ሺኢቃኔ። 17 ዬያጉዲ ሃሣ ዲንሢኮ ጉሙርቁያና ኪሪሰቶሴ ዲንሢ ዲኖ" ናንጋንዳጉዲ፤ ሃሣ ዲንሢኮ ፃጵና ዓይፆና ናሹሞና ደዲ ማዓንዳጉዲ ታ ሺኢቃኔ። 18 ሃሣ ጊንሣ ኪሪሰቶሴ ናሹሞኮ ዳልጉሞ፡ ያደሱሞ፡ ዴጉሞ፡ ሊካ ዔታዲፃኣ ዎማዒታቲ ያኦሲሞ ዲማዴዘንሢንታ ቢያ ዲንሢ ዔራንዳጉዲና፡ 19 ዔርታያፓ ዑሣ ዓኣዴ ማዔ፡ ኪሪሰቶሴኮ ናሹሞ ዲንሢ ዔራንዳጉዲና ያኦሲ ፓጩ ባኣዚ" ባኣያ ማዔሢጉዲ ዲንሢያ ያዲ ማዓንዳጉዲ ያኦሲ ታ ሺኢቃኔ።

20 ዬያሮ ኑጊዳ ማዳ ዎልቆ ዛሎ"ና ኑ ሺኢቃሢና ማላሢናይዳፓ ዑሣ ዓኣዴ ማዳኒ ዳንዳዓ ያኦዛሢሞ፡ 21 ሺኢጲያ ማኦር ዓሰና ዬሱስ ኪሪሰቶሴ ዛሎ"ና ዎደ" ቢያይዳ ቦንቾ ዲዛሞ ማዖንጎ።

4

ኪሪሰቶሴ ዓኣ ዓሰኮ ፔቲሞ

1 ዓካሪ ያኦሲ ዲንሢ ናንጎንጎ ጌዒ ዔኤሌ" ናንጎ ዲንሢ ናንጋንዳጉዲ ጎዳ ማዳ" ዛሎ"ር ቲከ"ንቲ ዓኣሢ፡ ታኣኒ ዲንሢ ሺኢቃኔ። 2 ቢያ ዎደ ሴካና ሃንጋና ዎሊ ናሽኪሢና ሃሣ ሚጨንቲሢና ኮሹሞና ዳንዳዒሢና ዓኣያ ማዒ ናንጉሞቲ። 3 ኮሹሞና ናንጊ ናንጊ ዓያኖ ጌኤዠ ዛሎ"ና ጴዳ ፔቲሞ ናንጎ ደዲ ካፑሞቲ። 4 ዲንሢ ፔቲ" ሃጊ ማዓ ዎዛሞ ዔኤሌ"ንቲያ ማዔሢጉዲ ፔቲ" ዑሢና ፔቲ" ዓያናና ዲንሢኮ ዓኣኔ። 5 ዬያጉዲ ሐሣ ፔቲ" ጎዳ፡ ፔቲ" ጉሙርቁሢና ፔቲ" ዎኣሢ ማስቲሢና ዓኣኔ። 6 ሃሣ ዬያ ቢያይዳፓ ዑሣ ማዔ፡ ቢያሢና ማዳ፡ ቢያሢና ናንጋ፡ ቢያሢኮ ዓደ ማዔ፡ ፔቲ" ያኦሲ ዓኣኔ።

7 ጋዓንቲ ኪሪሰቶሴ ዲንጋኒ ማሌ ጎይፆ ኑና ፔቲ" ፔቲ"ሢሞ ያኦሲኮ ኮሹሞና ዓንጎ ዲንጊፃ ዲንጊንቲኔ። 8 ዬይያ፡ «ሌካ ዒ ኬሰኬ ዎደ"ና ሚርጌ ዓሲ ዲዒ ዔከ ዒ ዓኣዴኔ፤ ሚርጌ ዓሲማኣ ሚርጌ ዲንጊሢ ዲንጊኔ» ጌይንቲሢ ጉዲኬ። 9 ዓካሪ «ሌካ ኬሰኬ» ጌይፃ ሊካ ሳዖ ዴሞ" ኬዴ"ያ ማዒባኣያታቲ ማሌ" ዓይጎ ዳሞያ? 10 ዬይ

4:2 ቆላ. 3፡12-13። 4:8 ዓይኑ. 68፡18።

ለካ ዴም" ኬዴ"ሢ ሳዖና ጫሪንጮና ዒኢካ ዓኣ ባኮ ቢያናይዳ ጴዳያ ማዓኒ ጫሪንጮኮ ቢያ ዑያ ኬሰከሢኤ። 11 ዒዚ ፔቴ" ፔቴ"ሢ ያኦሲ ማዶ"ም ዳኪንቴዞንሢ፤ ያኦሲ ማለያ ኬኤዛዞንሢ፤ ኮዡ ሐይሶ ኬኤዛዞንሢ፤ ያኦሲ ዓሶ ሄንቃዞንሢና ዔርዛዞንሢ ማዓንዳጉዲ ዒንገሢ ዒንጌኔ። 12 ዴያ ዒ ማዶሢ ዒዛኮ ዑያ ማዓ፥ ሸኢጲያ ማኦሮ ዓሶ ዲቻኒና ዒዛ ጉሙርቃ ዓሶ ያኦሲ ዓሲ፣ ማዳ ማዶ ማዳንዳጉዲ ገኢገሻኒኤ። 13 ዴያጉዲ ሃሢ ያኦሲ ናዓሢ ጉሙርቁሢና ዔሪሢ ዛላና ጴዳ ፔቴም ዴንቁ፥ ኪሪሰቶሴ ፓጮ ባኣዚ" ባኣያ ኩሙሢ ማዓሢጉዲ ኦኦኒ ኩሙሢ ዓሲ ማዓንዳጉዲኤ። 14 ዓካሪ ሃካፓ ሴካ ዓሶኮ ዳቢሻ ጌሺያ ዔርዚያ ዠባሮና ሴካ ሃንጋ ጌዒ ጌዒ ናይ ኦ ማዓዓኤ። 15 ዴያይዳፓ ጎኦ ስፕም ዓያናና ጌሰቲ ጌሰቲ ቶኦካ"ሢ ማዓ፥ ኪሪሰቶሴ ማላኒ ቢያና ኦ ዲዲጫንዳኔ። 16 ዑያኮ ዲማ ዲማ ዓኣ ቤዛ ካኣማሢ ኪሪሰቶሴናኤ፤ ዑያ ቢያ ዎላ" ዓርቁንቲ ዓኣሢ ዲማ ዲማ ካኣማ ካራናኤ፤ ዴያሮ ፔቴ" ፔቴ" ዑያኮ ቤዛ ፔኤም ዒንገንቴ ማዶ" ማዳካ፥ ዑያ ቢያ ስፕምና ዲጩ ዲጩ ዴኤፓ።

ኪሪሰቶሴና ጴዳ ዓኪ ናንገ

17 «ሐይፓ ሴካ ፓሡዎ ማለሢና ናንጋ፥ ዓይሁዴ ማዓባኣ ዓሶጉዲ ናንገፖቴ» ጌዒ ጎዳ ሱንያና ታ ዒንሢም ላቲ" ዘራኔ፤ 18 ዔያቶኮ ዒኖ ባይቁይዳፓ ዔቁያና ዔያታ ጸቂሡዎኣሢሮ ዒና" ዔያቶኮ ዲሜኔ፤ ያኦሲ ዒንጋ ናንጎይዳፓኣ ዔያታ ሃኤኔ። 19 «ዓሲ ዎዚ ጋዓንዳይ» ጋዓ ማለሢ ዔያቶኮ ባይቁሢሮ ፔና ፑርታ ማዶም ዓኣሢ ዒንጌኔ፤ ዴያሮ ቢያ ዎዴ ቦርሲሳ ባኣዚ" ማዳኒ ኮሺ" ዔያታ ኮዓኔ።

20 ዒንሢ ጋዓንቴ ኪሪሰቶሴ ዛሎ"ና ዔሪሢ ያዲቱዎሴ፤ 21 ጎኔና ዒንሢ ዒዛ ዛሎ" ዎይዜኔ፤ ጎኦም ዴሱሴና ዓኣሢያ ዒዛይዳፓ ዒንሢ ዔሬኔ። 22 ዴያሮ ጌሺ ዒንሢ ጎሜ ባንሢ ዔኪ ዓኣዳ ማለያና ፑርቲያ፥ ሚና ቤርታ ዒንሢ ናንጋ ናንጎ ሃሹ"ዎቴ። 23 ዒና" ዒንሢኮ ላኣሚንቲ ዓኪ ማዖንጎ፤ 24 ጎኔ ዒሉ"ምና ያኦሲም ዲማዲሢና ያኦሲ ማላኒ ማኸንቴ ዓኪ ዓሲ ማዑዎቴ።

25 ዴያሮ ሉኡዙዎ ጌሰቲፖቴ! ቢያሢ ኦኦኒ ፔቴ" ዑሢኮ ዲማ ዲማ ቤሲ ማዓሢሮ ሴካና ሃንጋና ጎኦም ኦ ጌሰቶም። 26 ዒንሢ ዲጋዴያ ማዓቴያ ጎሜ ማዓንዳ ጎይሢ ዔኪ ዓኣዲፖቴ፤ ዳጎ ዒንሢኮ ዒንሢ ሃሹ"ዎንቴ ዓቢ ጌሎፓ፤ 27 ሃሢ ያላሃማኣ ቤሲ ጌሢፖቴ።

4:16 ቆላ. 2፡19። 4:22 ቆላ. 3፡9። 4:24 ማኸ. ማፃ 1፡26፤ ቆላ. 3፡10።
 4:25 ዛካ. 8፡16። 4:26 ዓይኦ. 4፡4።

28 ወኡቃያ ዓኣቲ ሃይፓ ሴካ ወኡቆፓ፤ ዬያይዳፓ ሜታዲ ዓሲያ ማኣዳ"ንዳ ሚኢሼ ዴንቃኒ ፔ ኩቻ ደዲ ማማድንጎ። 29 ፔቲ"ታዖ ዒንሢኮ ዳንጋፓ ፑርታ ዑኡሲ ኬሰኮፓ፤ ጋዓንቲ ዓሲ ደዲሻያና ፓሣ ባኣዚ"ና ጌሰቱዋቲ። 30 ዒንሢ ጋፒ ዓይላ"ቶፓ ሻንቁንቲ ኬሰኮንዳ ኬሎ" ጎናሲ ዔርዛኒ ያኦሲ ዒንሢሞ ዒንጌ፣ ጌኤዡ ዓያኖ ያዩሲፖቲ። 31 ዒንሢዳፓ ፑርቱሞ ማሊሢ፣ ዳጋ፣ ጎሪ"ንቲ፣ ዒላቲ"፣ ጫሺንታ ዓይጌያ ፑርታ ባኣዚ" ቢያ ሃኮንጎ። 32 ዋላ" ሴካና ሃንጋና ኮሺ ዓሲ ሃሣ ዋለም ማላ ዓሲና ማዑዋቲ፤ ያኦሲ" ኪሪሰቶሴ ዛሎ"ና ዒንሢሞ ዓቶም ጌዔሢጉዲ ዒንሢያ ዋለም ዓቶም ጋዓያ ማዑዋቲ።

5

ፖዒ ናንጊ ናንጊሢ

1 ዓካሪ ዒንሢ ያኦሲ ዒንሢ ናሽካያ፣ ዒዛኮ ናኣቶ" ማዔሢሮ ዒዛ ማሉዋቲ። 2 ኪሪሰቶሴ ኑና ናሽኬሢና ያኦሲ ዋዛሳ ሳውሞ ዓኣ ዒንጎ ባኣዚ" ማሂ ፔ ሼምፓሢ ኑጋይቲ ዓኣሢ ዒንጌሢጉዲ ዒንሢያ ናሹሞና ናንጉዋቲ።
 3 ማቾ ሃሣ ዓኒ ማዒባኣያና ላሂሢ፣ ቦርሲሳ ማድ፣ ዓሲሮ ዛጊ ሱኡካዲሢ ማዔቲያ ዒንሢ ባኣካ" ጴደፓ፤ ዬይ ጌኤሺ ማዔ፣ ያኣዛሢ ዴሪም ኮይሳ ማድቱዋሴ፤ 4 ዒንሢ ያኦሲ ጋላታንዳኣፓዓቲም ቦርሲሳ ባኣዚ"ና ፓሣ ባኣዚ"ባኣ ጊኢጉዋ ሃይሴ ጌሰታንዳያ ኮይሱዋሴ። 5 ማቾ ሃሣ ዓኒ ማዒባኣያና ላሃያኮ፣ ቦርሲሳ ማድ ማዳያኮ፣ ሜሌ" ካኣሺ ካኣሽኪሢጉዲ ዓሲሮ ዛጊ ሱኡካዲ ዓሲኮ ኪሪሰቶሴና ያኦሲ ካኣቱሞናይዳ ቤሲባኣያ ማዓንዳሢ ዔሩዋቲ።
 6 ዬንሢ ባኮንሢ ዛሎ"ና ያኦሲም ዓይሢንቱዋ ዓሶ ዑፃ ዒዛኮ ጎሪ"ንቲ ሙካንዳሢሮ ያኦሲያ ዒንሢ ጉሪ ማዔ ሃይሴና ጌሾፓ። 7 ዬያሮ ዬንሢ፣ ዒዛም ዓይሢንቱዋ ዓሶና ዋላ" ፔቲ" ማዒፖቲ። 8 ቤርታ ዒንሢ ዲሚዳ ናንጋኔ፤ ሃሢ ጋዓንቲ ጎዳና ፖዓ ዒንሢ ዓኣሢሮ ፖዖ ዓሳ ናንጋ ጎይዖ ናንጉዋቲ። 9 ዓይጎሮ ጌዔቲ ኮሹሞ ቢያ፤ ያሊ"ሞንታ ጎኑሞንታኮዋ ዓኣፒ ጴዳሢ ፖዒዳፓኬ። 10 ዬያሮ ጎዳ ዋዛሳያ ማዓ ባካ ዓይጎታቲያ ዲማሲ ዔሩዋቲ። 11 ዓኣፒባኣ ዲሞ ማድ" ዒንሢያ ማዳያ ማዒፖቲ፤ ፖዓ ኬሲ" ፔጋሲ ደውዋቲ። 12 ዲሞ ማድ" ማዳ ዓሳ ዓኣቹ ማዳ ባኮ ዛሎ" ኬኤዛኒታዖ ቦርሳያኬ። 13 ቢያ ባኣዚ" ፖዒዳ ኬሰካዛ ዬይ ዓይጎ ማዔቲያ

4:32 ቆላ. 3፣13። 5:2 ኬሲ. ማፃ 29፣18፤ ዓይኑ. 40፣6።

ጌኤሽኪ ዔርታኔ። 14 ዋይቲ ጌዔቴ ቢያ ባኣዚ" ፔጋሲ ዳዋሢ ፖሊታሢሮኬ፤ ዩያር፡-

«ኔኤኒ ሃይ ጊንዓሦ ጳጤ፤! ሓይባ"ፓ ዔቁ!

ኪሪሰቶሴ ኔኤም ፖሳንዳኔ» ጌይንቴኔ።

15 ዓካሪ ዒንሢ ዋማይዲ ናንጋንዳቲያ ኮሺ" ማሉዋቲ፤ ዔራ ዓሲ ማዑዋቲ፤ ዔኤያ ዓሲ ጎይሢ ናንጊፖ። 16 ሓይ ዋዳ" ፑርታ ማዔሢሮ ዓይጎ ካራና ማዔቲያ ዒንሢ ዴንቁ ዋደ"ማና ማዳ ባኮ ዔሪ ማዳቀቲ። 17 ዩያር ጎዳኮ ማሊፃ ዓይጎታቲያ ዔራና ማዑዋቲ፤ ዔኤያ ማሊፖ።

18 ዒንሢ ሳይሲንታ ባንሢ ዔኪ ዓኣዳያታሢሮ ዳጋሢ ዑሽና ማሢንቲፖ። ዩያይዳፓ ዓያና ጌኤሽ ቢታንቶ ዴም ጌላያ ማዑዋቲ። 19 ያኦሲም ማዓ ዓይኑምና ያኦሲ ሄርሺ ሄርሺ ዒንሢ ዋላ" ቡኬ ዋደ"ና ዓይናዳቀቲ፤ ዩያይዲ ዒኔፓ ጎዳ ጋላቲዋቲ። 20 ኑ ጎዳሢ ዩሱሰ ኪሪሰቶሴ ሱንፆና ቢያ ባኣዚ"ሮ ያኦሲ፣ ዓዳሢ ቢያ ዋዴ ጋላቲዋቲ።

21 ኪሪሰቶሴ ቦንቾር ጌዒ ዒንሢ ፔቴ" ፔቴ"ሢ ዋለም ዓይሢንታያ ማዑዋቲ።

ዓኒና ማቾና ዛላ

22 ዒንሢ፣ ላኣሎ ናኣታ! ጎዳ ዩሱሴም ዒንሢ ዓይሢንታሢፊ ዒንሢኮ ዓኒንሢም ዓይሢንቲዋቲ፤ 23 ዓይጎር ጌዔቴ ኪሪሰቶሴ ሽኢጲፃ ማኣር ዓሶኮ ዑፃ ቶኦኪ ማዔሢፊ ዓኒያ ማቾኮ ቶኦኪኬ፤ ዩያፊ ዩሱሴ ጌኤኮ ዑፃ ማዔ፣ ሽኢጲፃ ማኣር ዓሶ ዳቁሻሢኬ። 24 ሽኢጲፃ ማኣር ዓሳ ኪሪሰቶሴም ዓይሢንታሢፊ ማቾንሢ ቢያ ባኣዚ"ና ፔ ዓኒንሢም ዓይሢንቶንጎ።

25 ዒንሢ፣ ዓቲንቃ! ኪሪሰቶሴ ሽኢጲፃ ማኣር ዓሶ ናሽኬሢና ፔ ቶኦኮ"ዋ ዔያቶ ጋቲ ሃይቢም ዓኣሢ ዒንጌሢፊ ዒንሢያ ዒንሢ ላኣሎ ናሽኩዋቲ፤ 26 ኪሪሰቶሴ ዩያ ማዳሢ' ሽኢጲፃ ማኣር ዓሳ ያኦሲም ዲማዴያ ማዓንዳፊ ጌይኬ፤ ዒ ዔያቶ ያኦሲም ዲማሴሢያ ቃኣሎ" ዛሎ"ና ሓሢ ዋኣሢናኣ ማሰኪ ጌኤሽ"ኬ። 27 ዩያይዲ፡- ኪንሢ፣ ዓኣፒ ካራ ቱኪ"ሢ፣ ፑርታ ባኣዚ"ያ ፔቴ"ታፃ ባኣያ፣ ጌኤሽ፤ ሃሢ ሚዛጲ ሽኢጲሢ ማኣሪ ዓሲ ማሂ ፔ ቤርቶ ዒንሢ ዒ ሽኢሻኒኬ። 28 ዓኒንሢ ፔና ናሽካሢፊ ዩያ ፔ ማቾንሢ ናሽካኒ ኮይሳኔ፤ ፔ ማቾ ናሽካሢ ፔና ናሽካኔ። 29 ዋይቲ ጌዔቴ ፔና ዒፃ ዓሲ ያኣኒያ ባኣኤ፤ ጋዓንቴ ኪሪሰቶሴ ሽኢጲፃ ማኣር ዓሶ

5:16 ቆላ. 4:5። 5:20 ቆላ. 3:16-17። 5:22 ቆላ. 3:18፤ 1ጴ፪. 3:1።
5:25 ቆላ. 3:19፤ 1ጴ፪. 3:7።

ሙኡዚ" ሙኡዚ" ካፓ ጎይያ ዒዚ ሙኡዚ" ሙዒ ሙዒ ፔናኦ ካፓኔ።³⁰ ኑኡኒ ኪሪሰቶሴ ፀብኮ ዲማ ዲማ ቤዘኬ፤³¹ «ዓሲ ዩያሮ ዓደና ዒንደና ሃሺ" ማቾና ዎላ" ፔቴ" ማዓኔ፤ ላምዖንሢያ ፔቴ" ዓሲ ፀሣጉዲ ማዓኔ» ጌይንቴኔ።³² ዩይ ዴኤፒ ዓኣሺንቴ ባኣዚ"ኬ፤ ሓያ ታ ጋዓሢ! ኪሪሰቶሴና ሺኢጲያ ማኣሮ ዓሶና ማላታ ማሂኔ።³³ ጋዓንቴ ሓይ ባካ ዒንሢማ ማዓያኬ፤ ዩያሮ ዓሲ ፔ ማቾ ፔናጉዲ ማሂ ናሽኮንጎ፤ ማቻኣ ዓሲ ቦንቾንጎ።

6

ናኣቶ"ና ሾዔ ዓሶና ዛላ

1 ናይዮቴ! ጎዳ ዩሱሴሮ ዒንሢ ማዔ ጎይያና ዒንሢ ሾዔ ዓሰም ዓይሢንቴዎቴ፤ ዓይጎሮ ጌዔቴ ዩይ ባካ ኮይሳያታሢሮኬ።² «ኔ ዓደና ኔ ዒንደና ቦንቾ» ጋዓ ቤርታኣ ዓይሢያይዳ ዓኣ ሃጊ ማዓ ዎዛ"፤³ «ቢያ ባኣዚ" ኔኤም ኮሽካንዳኔ፤ ናንጎ ሌዓኣ ሳዓ ኔኤም ያደቃንዳኔ» ጋዓያኬ።

4 ዒንሢ ሾዔ ዓሳ! ጎዳ ዩሱሴ ኪሪሰቶሴ ዓይሢ ዓይሢያ ጎይያ ዘሪ ዲቹዎቴ፤ ናኣቶ" ዒንሢኮ ጎሪ" ዳጋሲሢና ፑርቴዎ ማሊሲሲፖቴ።

ማዲሻ ዓሲና ዓይሌ"ና ዛላ

5 ዓሲም ዓይሌ" ማዒ ማዲዘንሢያቴ! ዒንሢ ማዲሻያ ማዔ ዓሰም ዒጊቹዎና ቦንቾ ዓይሢንቴዎቴ፤ ኪሪሰቶሴም ዒንሢ ማዲ ጎይያ ፒዜ ዒናና ዓይሢንቴዎቴ።⁶ ዒንሢ ዓይሢንታንዳሢያ ያኦሲ ማሊያ ዒናፓ ኩንሣ፡ ኪሪሰቶሴም ማዲ ዓሶጉዲ ማዓንዳኣፓዓቴም ዓሲ ዎዛሳኒ ጌዒ ዓሲ ቤርቲም ጴዲሢሮ ማያፓ።⁷ ዓሲም ማዒባኣንቴ ጎዳ ዩሱሴ ኪሪሰቶሴም ማዲያ ማዒ ናሽኪ ኮሺ ማሊሢና ማዲዎቴ።⁸ ዓይጎሮ ጌዔቴ ዓይሌ"ሢ ማዔቴያ ማዲሻሢ ፔቴ" ፔቴ"ሢ ማዴ ኮዢ ማዶ"ሮ ጎዳ ዩሱሴ ኮይሌ"ፓ ዒንጊንታ ባኣዚ" ዔካንዳያ ማዔሢ ዒንሢ ዔራኔ።

9 ሃሣ ዒንሢ ዓሶ ማዲሻ ዓሳ! ዓሲ ዲማሱዎ፡ ዒንሢንታ ዔያቶንታኮ ጎዳ ጫሪንጮይዳ ዓኣሢ ዔሪ ዔያቶ ዲቃሢያ ሃሺ"ጋፓ ዒንሢም ማዲ ዓሰም ኮሺ ማዲዎቴ።

ያኦሲ ዒንጋ ያሎ ዓንጋዎ

5:31 ማዢ. ማዓ 2:24። 6:1 ቆላ. 3:20። 6:3 ኬሲ. ማዓ 20:12፤ ላሚ. ዎማ 5:16። 6:4 ቆላ. 3:22-25። 6:9 ላሚ. ዎማ 10:17፤ ቆላ. 3:25፤ 4:1።

10 ዓካሪ ጎዳና ዒዛኮ ጴጌፖ ዋልቆና ደዲዋቱ፤ 11 ፃላሄኮ ጌኖ" ማደ" ዒንሢ ላሻኒ ዳንዳዓንዳጉዲ ያኦሲ ዒንጋ ያሎ ዓንጋም ቢያ ዓርቁዋቱ። 12 ዓይጎር ጌዔቲ ኦኡኮ ያላ ዓሲናቱዋንቲ ሃያ ዲሞ ዓጮ" ዋይሃ፡ ቢቶ" ማዔያ፤ ሃሃ ሃያ ዓጮ"ኮ ዋልቆ ማዔያ፡ ሳዖ ዑፃ ዠባራ ዓኣ ፑርቶ ዓያኖናኬ። 13 ዬያር ያኦሲ ዒንጋ ያሎ ዓንጋም ጉቤ ዓርቁዋቱ! ዬያይዲ ፑርታ ኬሊ" ዒንሢ ሄላ"እና ዒንሢ ሞርካሢኮ ዋልቆ ቃዚ ጋፒንዖ ሄላ"ኒ ያሌሰካፓ ደዲ ዒንሢ ዔቃኒ ዳንዳዓኔ።

14 ዓካሪ ዪኢቶ ዓርቃ ቡራሾጉዲ ጎኑሞ ኬርና ቱኡቲ፡ ዪሎ"ሞዋ ያሎር ዳዳ ማኦ ዓንጎጉዲ ማይንቲ፡ 15 ኮዦ ሃይሶ ቃኣሎ" ቶካ ዱርሲጉዲ ዓኣሢ፡ ገኢጊ ዔቁዋቱ፤ 16 ሃሃ ታሚ ሎሰቶጉዲ ዓኤታ፡ ፃላሄኮ ፓልዖ ማንሣኒ ዳንዳዓንዳጉዲ ቢያፓ ዑሣ ማዔ ጉሙርቂዖ ጊቲማ ማሂ ዓርቁዋቱ። 17 ዬያጉዲ ሃሃ ዳቂንቶ' ቶኣካ ዓጎ ያሎ ዓንጎ ቆኦ"ጉዲ ዓጊ፡ ያኦሲኮ ቃኣሎ"ሞ ዓያና ጌኤሺ ጩንቻ ዓፓር ማሂ ዓርቁዋቱ። 18 ዒንሢሞ ኮይሳ ባኮ ቢያ ዒንሢ ሺኢቃኣና ዓያና ጌኤሺና ቢያ ዋዴ ሺኢቁዋቱ፤ ዬያይዲ ደዲ ጴጬዋቱ፤ ኪሪሰቶሴ ጉሙርቃ ዓሶማኣ ቢያ ሞሎ"ሞ ሺኢቁዋቱ፤ 19 ኮዦ ሃይሶኮ ዓኣሺንቲ ባኮ ዒጊጩዋዖ ታኣኒ ዓሶ ዔርዘንዳጉዲ፤ ሃሃ ታ ኬኤዛ ዋደ"ና ኮይሳ ቃኣላ ታኣም ዒንጊንታንዳጉዲ ሺኢቁዋቱ። 20 ሃሢያ ታ ካኖ ቢራቶና ቱኡቲ ዓኣዖ ዬያ ኮዦ ሃይሶኮ ታኣኒ ኪኢታ ዓሲኬ፤ ዬያር ታኣም ኮይሳሢጉዲ ዒጊጩዋዖ ታኣኒ ኬኤዛንዳጉዲ ሺኢቁዋቱ።

ጋፒንዖ ሳራሢያ

21 ኦ ዒዛ ናሽካ፡ ኦኡኮ ዒሻሢ፡ ጎዳ ዬሱሰ ኪሪሰቶሴ ማደ" ጉሙርቂንቲ ማዳያ ማዔሢ፡ ቲኪቆሴ ታ ዛሎ"፤ ሃሃ ታ ዓይጎ ማዳቲያ ዒንሢ ዋይዘንዳጉዲ ቢያ ባኮ ዒንሢሞ ዒ ኬኤዛንዳኔ።

22 ዬያር ኦኡኒ ዋይቲ ዓኣቲያ ዒንሢ ዔራንዳጉዲና ዒንሢያ ዒ ደዲሻንዳጉዲ ጌዒ ዒዛ ታ ዒንሢ ኮይላ" ዳኬኔ።

23 ያኦሲ፡ ዓዳሢና ጎዳ ዬሱሰ ኪሪሰቶሴናይዳፓ ማዔ ኮሹሞና ናሹሞና ሃሃ ጉሙርቂሢና ዋላ" ኪሪሰቶሴ ጉሙርቃዘንሢሞ ቢያ ማዖንጎ። 24 ጋፑዋ ናሹሞና ኦ ጎዳ፡ ዬሱሰ ኪሪሰቶሴ ጉሙርቂ ናሽካዘንሢሞ ቢያ ያኦሲኮ ኮሹሞ ዒንጊዖ ዒንጊንቲያ ማዖንጎ።

6:14 ዒ.ሲ. 11፡5፤ 59፡17። 6:15 ዒ.ሲ. 52፡7። 6:17 ዒ.ሲ. 59፡17።
 6:21 ዳኪ. ማደ" 20፡4፤ 2፡ፃዋ. 4፡12። 6:22 ቆላ. 4፡7-8።

ጌጌዥ ማግኔግ
**The Holy Bible in the Maale language of Ethiopia,
using Ethiopic script**

copyright © 2015 The Word for the World International and The Bible Society of Ethiopia

Language: Maale

Translation by: The Word for the World

Contributor: Bible Society of Ethiopia

Maale New Testament

by Bible Society of Ethiopia.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-12-29

PDF generated using Haiola and XeLaTeX on 11 Nov 2022 from source files dated 29 Jan 2022

bbcfb90a-3ae3-5452-983d-6c4c02375929